



Sr. Miguel J. Mansur
Lider di Fraccion ACCION 21

STATEN VAN ARUBA

Presidente di Parlamento
Sr. mr. E.G.A. Vrolijk
L.G. Smith Blvd. 72
Oranjestad, Aruba

STATEN VAN ARUBA
Ingek: 07 JUL 2022
Volgnr: IS/1158/21-22

Oranjestad, 07 juli 2022

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente x17 preguntanan pa Minister President Sra. mr. Evelyn Wever-Croes.

Suscrito ta desea di haya contesta por escrito riba su preguntanan.

Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21



**STATEN VAN ARUBA
LIDER DI FRACCION ACCION 21
SR. MIGUEL J. MANSUR**

07 juli 2022

Preguntanan por escrito di miembro di Parlamento, Sr. Miguel J. Mansur na Minister President Sra. mr. Evelyn Wever-Croes conforme articulo III.17 di Staatsregeling y conforme articulo 59 di Reglement van Orde van de Staten van Aruba.


Recientemente tabata tin menasa di mal tempo na Aruba y nos a nota basta deficiencia den preparacion na nivel nacional.

1. Tanto DOW y Serlimar a stop di traha 2:00pm diaranson mientras tabata masha hopi cos no segura cu por a representa un peliger si acaso mal tempo a materialisa. Prome Minister por a splica pakiko net e instancianan cu mester bay den accion a keda sin cumpli cu nan responsabilidad?
2. Nos a nota cu tabata tin flooding na Palm Beach y ariba J.E. Irausquin Boulevard paso DOW no a limpia e rooinan pa awa circula, kiko Prome Minister ta haciendo pa segura cu situacion asina no ripiti?
3. Na nivel turistico nos a nota cu airport a keda habri pero tur servicio pa turista a cera. Esnan cu tabata saliendo por ehempel mester a entrega nan auto verhuur sin gasolin. Esnan cu a yega mester a percura pa nan mes, kiko nos a siña di e incidente aki y kiko nos lo haci diferente otro biaha?
4. Nos a compronde cu Director di brandweer ta na cas pendiente investigacion, Departamento di Asuntonan Social tambe ta sin un Director. Mirando cu ta brandweer, polis y asuntonan social ta e tres instancianan mas importante na ora di un desaster natural, ki pasonan Prome Minister a tuma pa segura cu problemanan na dicho instancianan no lo afecta nan capaciadad pa responde?
5. Nos a tuma nota cu a ser anuncia cu si acaso tin mester, shelters lo wordo anuncia despues cu mal tempo a pasa. Si un horcan a sosode probablemente camindanan lo tabata blokea, no ta sigur cu infraestructura di comunicacion lo ta traha dus no ta parce logico ni prudente anuncia shelter despues di e mal tempo. Shelters ta netamente pa esnan cu no tin un caminda sigur pa pasa mal tempo. Prome Minister por comparti cu Parlamento ki shelters tin na disposicion si acaso mester, unda nan ta ubica, cuanto persona nan por carga, tin reserva di awa y cuminda cla pa esnan cu lo mester acudi na shelter?
6. No mucho tempo pasa nos a nota cu Prome Minister a reuni cu Secretario General di CARICOM (Caribbean Community). Anteriormente Aruba tabata un miembro asocia di e organisacion, Prome Minister por a comparti cu Parlamento un resumen di dicho reunion?

7. Ta intencion di gobierno di pa resumi miembrecia asocia di CARICOM y si esey ta e caso Prome Minister por splica con leu nos ta den e proceso? Si e contesta ta negativo pakiko gobierno a dicidi di no resumi miembrecia asocia?
8. Prome Minister por comparti cu Parlamento si tabata tin discusion cu Hulanda ariba e asunto di miembrecia asocia pa CARICOM y kiko a resulta? Si e conversacionnan aki no a tuma lugar ki tempo por spera cu lo habri combersacion ariba miembrecia asocia di CARICOM cu Hulanda?
9. Parlamento recientemente a ricibi rapport di CAD ariba pagonan di FASE entre april y november 2020. Nos a tuma nota cu 20 persona den dienst di Land Aruba a ricibi FASE, Minister por comparti cu Parlamento kiko pasonan a wordo tuma contra dicho personanan caso pa caso? Nos ta compronde e necesidad di proteha nan privacidad pero sin viola esey nos lo kier ricibi den cua departamento nan ta traha, den ki funcie, cuanto nan a ricibi ilegalmente despues di a comete fraude y si nan ta den nan trabao ainda?
10. Si ainda nan ta den nan trabao, Prome Minister y/of DRH por hustifica esey na Parlamento? Mirando cu comete fraude deliberadamente y mantene bo trabao ta crea un precedente devastador pa sector publico su credibilidad.
11. Den e mesun rapport di CAD nos a nota cu 4 persona cu pensioen di Land Aruba a ricibi FASE. Prome Minister y/of DRH por indica ki pasonan a wordo tuma contra dicho personanan?
12. Tambe nos a tuma nota cu 5 persona ricibiendo VUT a cobra FASE, Prome Minister y/of DRH por comparti cu Parlamento ki pasonan a wordo tuma contra e personanan aki?
13. Prome Minister, recientemente un personal di Parlamento a ricibi un prohibicion di entrada pa haci e mesun trabao cu tin mas cu 30 aña haciendo incluso pa sra. Wever-Croes su fraccion tempo Prome Minister tabata den Parlamento. Nos por a haya un splicacion con un empleado di Parlamento ta keda prohibi entrada a base di acusacion falso di a haci trabaonan politico pero mas cu 20 ambtenaar of gelijkgesteld ainda ta den nan trabao despues di a deliberadamente comete fraude y horta fondonan publico destina pa esnan den necesidad?
14. Nos ta compronde cu durante pandemia mas cu 40 persona a den dienst di Land a ser descubri cu otro trabao. Prome Minister por splica Parlamento ki pasonan a wordo tuma contra esnan cu ta haci nevenactiviteit sin autorisacion di DRH?
15. Prome Minister por splica ariba ki base permiso pa nevenactiviteit ta wordo otorga of no y si Prome Minister ta kere cu e sistema ta funciona den un manera integro y transparente? Si esey no ta e caso ki pasonan Prome Minister ta tumando pa mehora esey?
16. Na Parlamento tin un persona, ruman di ex-Presidente di Parlamento, ex-swa di Directora di DRH cu ta trahando un rapport ariba independisacion di Parlamento. Prome Minister por a comparti cu Parlamento e positief advies di DRH pa e persona ocupa dicho puesto?
17. Prome Minister por a comparti cu Parlamento e resultado di su labornan y ki tempo e trabao lo termina si esey no a sosode caba?

Suscrito ta desea di hanja contesta por escrito riba tur su preguntanan.

Atentamente,

A handwritten signature in blue ink, appearing to read 'MANSUR', with a large, sweeping flourish extending to the right.

Miguel J. Mansur
Lider di Fraccion ACCION 21